

SILAANNARISSAASARIT...

Naluneqanngilaq inigisap ussissuunissaa, taamaalilluni kiammik aniatit-sinaveersaartoqassaaq. Usseequtaasinnaasulli pinaveersaernerini eqqaamasariaqarpoq silaannaq nutartertariaqartarmat silaannarissaanissaq anguniarlugu tassami tamanna peqqinnissamut pisariaqartuuvoq – ineqartumut aammaluni inigisamut iluaqutaasarluni.



Inigisamik silaannarissaasarneq tamatta akisussaaffigaarput, eqqaamakkillu silaannarissarnermut inigisami atorussat atortassallugit soorlu silaannarissarfiit, aalap milluaasui assigisaallu.

Quppernerna tulliuuttuni atuarsinnaavatit silaannarissartannginerup kingunerisinnaasai – taamatut aamma siunnersuutit kingunipiluusinnaasunut pinaveersaartitsisinnaasut.

Aalartitsisarpugut

Agguaqatigiisillugu ullormut ilaqutariit ataatsit aalamik 15 literimik pilersitsisarput. Aalaq inummik pisuuvoq (kiagunnermit anersaartornermilu), aammalu Iganermit, uffarnermit atisanillu errortanik panersiinermit.

**Tamannalu aalaq illumit aniatinneqartussaavoq
– ullut tamaasa!**



Aalaq iminngorsinnaavoq


Silaannaq aalamik imertalerujussuarmik ilaqarsinnaavoq, tamannalu takuneqarsinnaananilu malugineqarsinnaanngilaq.

Silaannaq nilleruni aalamik akoqannginnerussaaq, imaapporlu silaannaq kissartuq nillertikkuni aalamik akua iminngussaaq kuserneeqqatut ittoq – isugutak imaluunniit iseriak.

Takusarparput illup iluani kiaap igalaanut nillertunut tukkaagami isugutannguuttarnera.



Pequtit angisuut soorlu nalaasaarfiit iikkamut attuumasut tunuini iigaq nillertittarpoq, tassalu iikkami isugutserneqalersinnaavoq.



Isugutak ulorianarsinnaavoq

Silaannaq iluamik nutartertannngikkaanni, erniinnangajak isugutak ajornartorsiutaa-larlunilu akornutaalissaaq:

- Qisuk isugutattoq sivitsunngittoq aasarpoq.
 - Isugutak silammut iikkaniittoq oqutsittilertarlunilu simerneqalertitsisarpoq.
- Taaneqartut taakku anersaartuutitigut nappaateqalersitsinnaallutillu sapigaqartitsilersinnaapput.



- Illup iluani isugutak annertuvallaarpat, illup iluani pujorammi tappiorannartut (husstøvmider) uumalluataassapput – ingammik siniffinni aammalu siniffiit eqqaanni

Tappiorannartut taakku mikingaaramik isaannarnik takuneqarsinnaanngillat – al-lisitsiulluunniit atoraluarlugu. Pujoralak grammi ataaseq tamakkuningga tusintilikaanik imaqartarpoq, sapigaqartitsilersinnaappullu.

Silaannaq pitsaanngitsoq ulorianarsinnaavoq

Silaannaq nutarterneqarneq ajortoq akornutaasinnaavoq, isugutaap saniatigut. Inigisap iluani silaannarmut akuliuttartunik akornutaasunillu silaannarmiittoqarsinnaavoq, sapigaqalersitsinnaasut imaluunniit allatut ulorianarsinnaasut.



Sanaartornermi atukkat, pequtit, annoraamernit, lim eqqiaanermullu atortut silaannarmut akuusinnaasunik aniatitsisinnasarpur, anersaartornitsinni aqquataartunik akornusersuisinnaasunik, niaqorlutsitsinnaasunik immaqalu aamma kræfteqalertitsisinnaasunik.

Silaannalunnermut aamma pujortarneq nalinginnaasumillu anersaartornitsinni silaannaq aniatitarpur (CO_2) silaannalunnermut patsisaasinnaappur.

Ima inigisap silaannalunnera takuneqarsinnaavoq

Inigisap ussippallaarpat imaluunniit silaannarissartarneq amigarpat, silaannaap isugutannera annertussaaq. Isugutaap annertuvallaarneranut makku ersiutaasarpur:

• *Igalaat ininiittut isugutersimappur*

NB! Isugutak annertunngikkaluartoq iga-

laat ussissunik saagusimagunik isugutasinnaasarpur. Taamaammatt saagut inissisimaneqartariaqarpur silaannaq kissartooq igalaanik kissassisimaartitsisussanngorlugu.

• *Amusarissat matullu tattuuttut*

Siornatigut ajornaquteqanngitsumik matusartut matujuminaassigaangata taman silaannaap isugutappallaarneranut ilisarnaataasarpur.

• *Tipi seernartooq oqussunittorlu*

• *Silamut iikkani oquk aammalu simernerit*


• *Qisuttani aanerit*

• *Silaannaap qanoq isugutatsigenera takuneqarsinnaavoq (hygrometer)*

NB! Hygrometer silaannaap isugutassusianik uuttuisarpoq.




Iluamik uuttuinissaq anguniaraanni hygrometer qaammatit tamaasa naligiissarneqartariaqartarpoq. Taamaaliortoqassaaq hygrometer annoraaminermik isugutattumik poorneratigut tiimialunni. Tassa misissuut isugutammik ulikkaarpoq 100%-imillu takutitsilluni. Inip iluani isugutak ukiuunerani 45% missaaniissaaq aasamilu 60-65%-ip missaaniilluni.



Silaannarissaasarit!

Inissiani amerlanerni ullormut marlussori-arluni silaannarissaasarnissaq tassa suertitsilluni 5-10 minutsit missaanni naammattarpoq – kisiannili tamatuma saniatigut aamma uffarfinni igaffimmilu silaannarissaasarnissaq pisariaqarpoq. Inissianili ussilluartuni imaluunniit igalaat taarsersorsimatillugit oqorsaasoqarsimatilugulu annertunerusoq pisariaqarpoq. Tamakkunani ataavartumik silaannarissaasarnissaq pisariaqarpoq, soorlu silaannarisartarfiit iikkaniittut imaluunniit igalaaniittut atorlugit.



Silaannarissarfiit qanoq angitigisariaqarpat?

Silaannarissarfiit angissusillit 50 kvadratcentimeter inini sinittarfinnilu silaannarissaanermi atugassatut naammapput.

Mekanik atorlugu silaannarissaasarneq

Inini soorlu igaffimmi uffarfimmiluunniit mekanik atorlugu silaannarissaasarnissaq pisariaqarsinnaavoq.

Nammineerluta isugutak millisarsinnaavarput

Silaannarissaaneq

Inigisami silaannarissarfiit ajoquteqaratik atorneqarsinnaanerak qulakkeeruk. Nalinginnaasumik igaffinni uffarfinnilu silaannarissaaveqartarpoq. Taakkunani silaannarissarfiit matusinaneqaratillu eqqiluutsuusariaqarput. Silaannarissarfinnik mekaniskinik peqaraanni ajoquteqannginnissaat qulakkeertariaqarpoq, emhættillu filterii akutsunngitsunik salittariaqartarput.

Nerisassiorneq

Igaguit igaq matusaruk. Aalap inigisamiit aniatinnissaa qulakkeeruk. Igaffimmi silaannarissarfiit soorlu emhætte imaluunniit ammartartoqarpat atortakkit, taamaattunik peqanngikkuit igalaat ammatittakkit.



Uffarneq

Uffarninni uffareerninnilu silaannarisaalluartarit.



Errortanik panersiineq

Errortanik inissiami panersiissaguit silaannarissarluartarit. Panerpata ini kiasarluariarlugu silaannarissaalluarlutit. Panersiiviit skaaviillu panersiiviit silamut ataneqassapput.



Sinittarfiit

Sinittarfiit isugutammut qanittuupput. Inuppasuut nillartaartumi sininnissartik or-niginerusarpaat, unnuallu ataatsip ingerlanerani kiagunnitsigut anersaartornertigullu aalaq 0,5 liter aniatittaratsigu pisari-qarluinnarpoq sinittarfiit silaannarissarlu-artarnissaat.

Ullaakkut silaannarissaasartit akutsunngit-sumillu oqorutit silaannarissartarlugit.



Isugutammik peqquteqartumik aserfallattarnerit annertuut ingalassimaniakkit

Igalaat saavini imeq

Silaannarissaalluarluarluni igalaat isugustertarpata allatut ajornartumik imeq allartertuartariaqarpoq. Ilaanni oqummik peersisinnaasoq atorlugu eqqiaasarit, soorlu Klorin (4,5% Klorin uuttuut ataaseq imeq uuttuut quliarlugu akoorinikkut).



Silamut iikkani oquk

Silamut iikkani oqunneq isuguttamillu simernerit pinngitsoorniarneqarsinnaapput silaannarissarluartarnikkut. Taamaaginnar-toqarpalli oqorsaaqqinnissaq eqqarsaatigineqartariaqarpoq

Illup tungaviani isugutak

Illuni arlalissuarni kælderimi imeqartarpoq. Tamanna pïarneqassaaq kuuffissaliorlugu, aamma kælderu oqorsarneqarsinnaavoq. Aammalu silaannarissarluartaruk.

Aanerit

Illuni aasimanagerit pinngitsoorneqarsinnaapput, isugutaap annikitsuinnaatinniarneratigut taamatullu qisuttaasut paarillu- arnerisigut. Aanerit aanertusiartulersarput qisuk sivisuumik isugutattuarpat. Aanerit qisunnet panertunulluunniit tuniluussinnaapput.

Silaannarissarluarnikkut isugutaap annikit-suinnaatinneratigut isugutammik uloria-nartorsiortoqassanngilaq, aatsaalli sana-neqarneratigut kukkusooqarsimappat imaluunniit illup sananeqarnerani amigaatimmik sanasoqarsimappat.



Kukkusumik oqorsaa-neq oqoqalersitsillunilu aanermik kinguneqarsinnaavoq. Oqorsaanermut ilisimasalinnik sulisitsigit imaluunniit energikonsulent (kiammik ilisimasalik) ape-riuk.

Silaannaq panerpallaalersinnaava?

Silaannaq "panertutut" misigineqarsinnaavoq aammalu "ameraasat" toqqusaa-niittut panertutut issinnaapput silaannaq paninngikkaluarpalluunniit. Taamatut misigisimaneq pujorallammik, inip kiappallaarneranik imaluunniit nappaammik tungaveqarsinnaavoq. Nakorsaatillu arlallit aamma taama misigititsisinnaapput soorlu isimut kuseriaatit iisartakkallu arlallit.

Silaannarmik isugutsersuut?

Ukiumi issilluartumi silaannaq panertutut misigineqarsinnaavoq. Silaannarmik isugutsersuutit atorniaaraanni eqqiarluartariaqarput. Taamaattut bakterissanik kater-suuffiusarput tappiorannartullu sapigaqartitsilersinnaasut illup iluani silaannarmut akuliussinnaapput, pisariaqarporlu isugutsersuutip eqqiarluarneqartarnissaa.

Apequtissaqaruit paasissutissanilluunniit peqaruit uunga saaffiginngit:



Tel: 36 30 00 · Fax: 36 30 19
Mail: iserit@iserit.gl · www.iserit.gl